



Broj: 12-11-15-1080/23

Sarajevo, 30. 3. 2023. godine

Na osnovu člana 70. i člana 89. stav (3) Zakona o javnim nabavkama („Službeni glasnik BiH“, broj 39/14 i 59/22) i preporuke Komisije za provođenje postupka javne nabavke telekomunikacijskih usluga putem konkurentskog zahtjeva za dostavu ponuda, za potrebe Ureda za reviziju institucija u Federaciji Bosne i Hercegovine za budžetsku 2023. godinu (obavještenje o javnoj nabavci broj: 296-7-2-10-3-10/23 objavljeno je na Portalu javnih nabavki 10. 3. 2023. godine i sažetak obavještenja u „Službenom glasniku BiH“: 18/23 od 17. 3. 2023. godine) iz Zapisnika o pregledu i ocjeni ponuda, broj: 12-11-15-837-10/23 od 29. 3. 2023. godine, generalni revizor donosi

ODLUKU

o izboru najpovoljnijeg ponuđača i dodjeli ugovora za javnu nabavku telekomunikacijskih usluga za LOT 2 i LOT 3

I

U postupku javne nabavke telekomunikacijskih usluga putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine za budžetsku 2023. godinu, Ugovorni organ donio je odluku o izboru najpovoljnijeg ponuđača i dodjeli ugovora za LOT 2 – Usluge fiksne telefonije u Mostaru – JP „Hrvatske telekomunikacije“ d.d. Mostar za ponuđenu cijenu 1.752,30 KM KM bez obračunatog PDV-a, odnosno 2.050,19 KM sa obračunatim PDV-om i LOT 3 – Usluge pristupa internetu u Mostaru – JP „Hrvatske telekomunikacije“ d.d. Mostar za ponuđenu cijenu 1.071,00 KM bez obračunatog PDV-a, odnosno 1.253,07 sa obračunatim PDV-om.

II

Zadužuje se Odjeljenje za pravne i opće poslove i ljudske resurse da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14 i 59/22) i Odlukom broj: 12-11-15-837/23 od 6. 3. 2023. godine, pokrenuo je postupak za javnu nabavku telekomunikacijskih usluga putem konkurentskom zahtjeva za dostavu ponuda za budžetsku 2023. godinu. Predmet nabavke podijeljen je na tri lotova:

LOT 1 – usluge fiksne telefonije u Sarajevu, Tuzli i Bihaću,
LOT 2 – usluge fiksne telefonije u Mostaru
LOT 3 – usluge pristupa interneta u Mostaru.

U skladu sa odredbama člana 35. Zakona o javnim nabavkama, Obavještenje o javnoj nabavci broj: 296-7-2-10-3-10/23 objavljeno je na Portalu javnih nabavki 10. 3. 2023. godine i sažetak obavještenje u „Službenom glasniku BiH“: 18/23 od 17. 3. 2023. godine, uz upućivanje poziva za dostavu ponuda na adrese potencijalnih ponuđača.

Postupak je provela Komisija imenovana Rješenjem generalnog revizora broj 12-11-15-837-1/23 od 6. 3. 2023. godine, koja je sačinila: Zapisnik o zaprimanju ponuda broj: 12-11-15-837-8/23 od 27. 3. 2023.

godine, Zapisnik o otvaranju ponuda od 27. 3. 2023. godine, Zapisnik o kvalifikaciji ponuđača - Analitički prikaz traženih i dostavljenih dokumenata broj: 12-11-15-837-9/23 od 28. 3. 2023. godine i Zapisnik o pregledu i ocjeni ponuda br. 12-11-15-837-10/23 od 29. 3. 2023. godine.

Uvidom u dostavljeni Zapisnik Komisije o pregledu i ocjeni ponuda utvrđeno je:

- na protokol Ugovornog organa ponude je dostavio jedan ponuđač i to: JP „Hrvatske telekomunikacije“ d.d. Mostar za LOT 2 i LOT 3;
- Iz analitičkog prikaza traženih i dostavljenih dokumenata konstatovano je da ponuđač JP „Hrvatske telekomunikacije“ d.d. Mostar ispunjava zahtjeve iz TD za LOT 2 i LOT 3;
- u predmetnom postupku javne nabavke Ugovorni organ predvidio je provođenje e-aukcije;
- s obzirom da je u predmetnom postupku nabavke za LOT 2 i LOT 3 Ugovorni organ primio jednu prihvatljivu ponudu e-aukcija se nije mogla zakazati;
- cijene ponuda za LOT 2 i LOT 3 ne prelaze osigurana sredstva ugovornog organa.

Komisija je odgovornoj osobi ugovornog organa predložila da u skladu sa članom 89. stav (3) Zakona o javnim nabavkama ugovor za LOT 2 – usluge fiksne telefonije u Mostaru i LOT 3 – usluge pristupa internetu u Mostaru dodijele ponuđaču JP „Hrvatske telekomunikacije“ d.d. Mostar, s obzirom da je Ugovorni organ primio jednu prihvatljivu ponudu za ove lotove i to ponudu ponuđača JP „Hrvatske telekomunikacije“ d.d. Mostar.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- JP „Hrvatske telekomunikacije“ d.d. Mostar
- u spis predmeta nabavke
- a/a



GENERALNI REVIZOR
Dževad Nekić